



擲面

過年前，八十空歲个伯姆喊僱載佢去分人擲面，莊下所在，市場路脣、公園角儘採都看得著同人擲面个細攤，講係攤，又乜無已像，矮凳頭兩張、細細个矮桌一張、還過加一張塑膠凳，恁泥佢斯起勢做生理咧！這攤生理無賣胭脂無賣粉，賣个係師傅个真功夫，人客个面愛擲來淨利又毋會疾，除了手藝外還愛靠經驗。今晡日這老師傅斯有恁泥个功夫，因致生理毋會孃，無先約時間斯輪毋著哦。

逐年俛年時節，伯姆該陣老姊老嫂，斯開始為擲面這層大事蠕蠕動，吾心肝肚偷笑，原來愛靚毋係細阿妹个專利哦！細阿姊輒輒愛去分人「做臉」，求个係面光生、金頭，不管時分人看著个，總係靚靚个自家，老輩人个「做臉」斯係擲面，根據伯姆講个，厥等趕在過年前擲面，有改頭換面、迎接新年个意思，係求新春个好彩頭，同靚毋靚差有十萬八千里遠！毋過就僱想，厥等面項个幼毛擲撇了，斯較好打粉化妝，恁泥乜變靚咧啊！

輪著伯姆擲面咧，兩張矮凳頭，師傅坐一張，伯姆坐一張，師傅已流掠，膨粉一拿斯直接抹上伯姆面項，抹過用手同佢掌勻，坐在凳頭个伯姆斯歸面白雪雪咧，像人公乜像日本个藝妓樣，無看著皺痕个佢也變後生咧。師傅手無停，嘴也無停，搭這搭該，佢講膨粉使得吸收面項出个油、汗，乜會分棉線較貼面項，擲面該下會較好擲，乜擲來較淨。師傅同棉線揪長、剪斷，將這條細棉線交叉做「又」字形，一頭用牙齒咬緊，兩隻手揪核另外兩頭，三股力同時擲纏絞夾，一擲一夾，對額頭到面頰、到下齡，佢使暗力定定絞、寬寬擲，細心細意將面項个幼毛連根絞起來擲撇。僱試著生趣，師傅換線時節，僱也想試下看，師傅講無恁該哦，這傳統个「做臉」手藝，毋係見人都做得，伯姆乜毋肯配合做吾个試驗品，看得著食毋著，總感覺略略有遺憾！

現下人想擲面、想「做臉」隨時都使得，頭擺人斯有較多禁忌，細妹人言嫁進前使毋得擲面，直直愛等到行嫁前，做爺哀个會請一般人認為好命个細妹長輩，來替這新娘開面，講恁泥嫁過去正會有人緣、得人惜，這斯安做修容禮，較功夫个還會包一個紅包分擲面个好命婆。結婚過後，婦人家愛擲面斯愛等過年前送神了，姊妹、姊嫂抑係隔壁鄰舍大家妳搨僱、僱搨妳，四頭四尾之外，還加一項治理自家个好功夫，客家婦人家實在斯已無簡單！

擲過面个伯姆，開容笑面，試著背囊無恁瘟咧，面伸掉人乜跔緊精神朥來，正經，偲人不管老嫩大細還係愛妝扮自家正著。

作者：劉玉蕉

☆詞彙學習☆

【擲面】bang+ mien`：以細綿線絞除臉上細毛。【治理】zii+ li+：關心管理。

【因致】rhin+ zhi`：因此。

【瘟】vun+：駝背。

【膨粉】pong` fun^：泡粉，早期一種化妝品。【伸掉】chun+ cha+：平整。

【掌勻】so+ rhun~：輕輕摩擦使之均勻。

【精神朥來】zin+ shin` hong` loi~：元氣聚足。